

Аллоҳ йўлидаги биродарига таом берган киши

05:00 / 03.03.2017 3311

Али ибн Толиб розияллоҳу анҳу айтади:

«Бир неча биродарларимни тўплаб, бир ёки икки соъ таом беришим мен учун бозорингизга бориб, бир қул озод қилишимдан маҳбуброқдир». Шарҳ: Соъ - тахминан тўрт килограмм арпа ёки буғдой сиғадиган, ўлчов бирлиги сифатида фойдаланилган идиш.

Албатта, қул озод қилиш улкан савобли иш. Аллоҳ Субҳанаҳу ва Таоло бир қулни озод қилган бандасига ўша қулнинг нечта аъзоси бўлса, ўшанча аъзосини дўзахдан озод қиламан, деб ваъда берган.

Ҳазрати Али розияллоҳу анҳу бу гапларида биродарларни, ёр-дўстларни тўплаб, уларга арзимас бўлса ҳам таом беришни ана шундай улуғ савобли ишдан ҳам маҳбуб кўришларини айтмоқдалар.

Демак, ёр-дўст, биродарларни тўплаб, олдиларига дастурхон ёзиш, уларга зиёфат қилиб, таом едириб, қоринларини тўйдириш, дуоларини олиш (айниқса улар муҳтож бўлсалар, оч бўлсалар, таомни еб, ибодатга қувват ҳосил қилсалар) ҳам жуда ажойиб иш бўлар экан